

elektita de mastro por direkta aliajn laboristojn.

masturbli (tr) ☞. Eksciti la seksorganojn per la mano. Kp ONANISMO.

***Maŝino** ALD ~**pafilo**. Pafilo, kun pli-malpli stabila afusto, aŭtomate ŝargita k pafanta, dank' al elprenado de gaso je iu punkto de la tubo, k kapabla kontinue k tre rapide pafadi (= mitralo).

mato. (Sp) Situacio de la reĝo, kiu estas en ŝako k ne povas trovi alian sekuran fakon. ~l (ntr). Esti en ~o. ~lgl. Meti en ~on.

matineo. Literatura aŭ teatra prezentado en la posttagmezo.

matutino (Rk). Unua parto de la Diservo, farita principe post noktomezo.

mazuto. Bruligebla rekremento de la distilado de la kruda petrolo; bolanta inter 280° k 320° C.; utiligata por hejtado, en dizeloj aŭ en la kaldronejoj de lokomotivoj, vaporŝipoj ktp (= peza oleo).

meandro. Unu el la serio da kurbigoj de rivero, voĵeto, de ornamaj linioj. ~l (ntr). Serpentumi, hazarde vagadi, p.p. vojo ks.

medo. Alkohola trinkaĵo, farita el fermentita mielo.

medialo (G). En kelkaj lingvoj, verba voĉo, kiu prezentas la agon kvazaŭ koncernantan nur la agantan subjekton ekskluzive de alia objekto, aŭ rigardatan de la interno de la subjekto: *la formoj «sidiĝi, okupiĝi» estas veraj ~oj*.

meg(a). Δ. Pref. uzata antaŭ unuoj k signifanta: miliono (10⁶). Simbolo: M.

megalomanio ☞. Frenezo pri memekzalto k ĉiogrando: ~ulo.

megomo □. Miliono da omoj; simbolo: MΩ.

mekl (ntr). Kaprobleki.

melduo ☞. Surplanta, ordinare blanka ŝimkovraĵo, k la kun ĝi rilata plantmalsano (*mildew*).

mendelsismo ☞. Teorio pri heredo, kiu celas redukti al nombraj leĝoj la reaparon de la heredaj ecoj. Kp GENETIKO.

mentolo ☞. Substanco el menta oleo, uzata en farmacio — C₁₀H₁₉OH.

merkurokromo ☞. Antisepsaĵo uzata anstataŭ joda tinkturo: 2% solvo de dibrom-oksimerkuri-fluoresceino — C₂₀H₇O₅Br₂HgOHNa₂.

meropo ☞. Genro el la ordo de koracioformaj birdoj, manganta insektojn k havanta tre brilkoloran plumaron (*Merops*).

mesaĝo. 1 Parola aŭ skriba informo, sendita de unu persono al alia. 2 Sciigo, kiun inspirito estas komisiita transdoni al homoj. ~isto. Kuriero.

metabolo ☞. La sumo de procesoj, kiuj konstruas aŭ malkonstruas protoplasmon.

metilo ☞. La radikalo CH₃: ~**alkoholo** (CH₃OH); ~**klorido** (CH₃Cl); ~**viol** (forta viola koloraĵo).

metileno ☞. La radikalo CH₂: ~**bluo** (forta blua koloraĵo, ankaŭ uzata kiel antisepsaĵo).

metonimio (G). Vortfiguro, konsistanta en la intersango de du vortoj, kies nocioj estas kunligitaj per konstanta ideorilato, ekz-e de kaŭzo al efiko («*versi al iu la morton*» — t.e. mortigantan venenon), aŭ de entenanto al entenato («*la tula tablo eksplodigis per ridon*» — t.e. tablanaro), de signanto al signato («*li rezignis la kronon*» — t.e. la reĝecon) ktp.

***Metro** ALD RIM. **metro** estas uzata kiel sufikso, kun signifo de mezurilo, por formi diversajn aparatnomojn: *galvano~o*, *lakt~o*, *tajdo~o*, *aero~o*, *gaso~o* ktp.

***Mezo** ANST ~**nombro** Δ. En aro da nombroj, tiu nombro, kiu estas inter la plej granda k la plej malgranda en la aro, k kiu en iu senco estas tipa por tiu aro. **Aritmetika ~nombro**. En aro da nombroj aŭ kvantoj, la kvociento de ilia sumo per ilia nombro. **Geometria ~nombro**. En aro da pozitivaj nombroj, tiu nombro, kies logaritmo egalas al la aritmetika ~nombro de la logaritmoj de la individuaj nombroj en la aro. **Harmonia ~nombro**. Pri du nombroj aŭ kvantoj, la kvociento de ilia produkto per ilia duona